

詩集
鳴原堂論文集

足本
曾文正公全集

何其智印

乙亥二月
杜就田署



鳴原堂論文序

籍地二千里官爲尚書侍郎兼占御史大夫中丞之號跨州連郡多者百餘城少或五六十縣監司郡守牧令丞倅雜職數百人武弁自提鎮以下承命唯謹賦稅刑獄軍謀河工鹽漕黜陟諸大政待之而決又有賓從往來屬僚請謁雞鳴鹽沐營衣肅客閤人持手版第其先後魚貫雁行以進更十餘番猶未畢則辭以他日他日復如此退則吏抱文書右手及額左手下至腹且行且捧發軔而入分公私新舊錯陳於几案之間其緊要者官乃審視而詳裁之例行者略一瞥省署行而已故今之督撫大吏凡夫數陳入告之詞多倚辦於幕友其不能親自吮毫搦墨者勢也然而充斯選者率用刑名家言規模循例案避過分以文無害爲事卽有勤求民隱發憤爲雄破除一切拘束者輒格於部議而不能施行蓋奏疏之難於美善善書也如此我伯兄太傅文正公當顯皇初政以議大禮諫聖德諸疏盡聞天下及執兵符開幕府於東南東南之碩儒名彥博辯洽聞之士皆轉維而珍儲之其達者游騰將相勳伐爛然次亦以文學稱著於時夫以宏通淹雅之才論時政之得失料軍情之勝負出之以沈思妙慮申之以修飾潤色固無患其言之不工意之不諧也然公或初善之而卒易之字點句竄十不存一豈與夫冥搜幽抉傾軔專精之士較勝負於文

字哉蓋才者天所賦也識者練而精者也人之聰明材力不徒相遠天下事變之來往往出於智慧思慮之所不及惟歷事久者能守義理之常以待時勢之變故公之奏疏不爲大喜過美之詞亦不爲憂恤無聊之語其論賊勢興衰中外大局一切將然未然之事若燭照龜卜不失毫髮而謙謙冲挹若不敢決其必然而後卒無不然豈非識之加人一等哉劉荃少侍公京邸從而問學壯歲展轉兵閒隨公馳逐江西江南諸行省賴聖天子威德大功告成兄弟荷蒙殊寵惴惴焉懼以不才致罪戾乞身歸里公慮其味所擇也選古今名臣奏疏若干首細批詳評命之曰「鳴原堂論文」國荃受而讀之蓋人臣立言之體與公平生得力之所在略備於此今歲王君鼎丞來湘編公遺書因出此篇屬其校讎付梓國荃行老矣自慙荒謬無補於時追念往時與公從事於驚濤駭浪之中出萬死不顧一生之計以爭尺寸之士曾不計後此尙有安閑之一日今海內又安公以考終國荃亦得養柯林下優游暇豫與二三故舊聯樽酒文字之歡蓋非始念所及此後之讀公書者知其入論其世其必低徊往復而歎公之文章德業與身世遭逢爲均不可及云同治十二年九月湘鄉曾國荃敘

鳴原堂論文序目

常棣爲燕，兄弟之詩。小宛爲兄弟相戒，以免禍之詩。而皆以脊令起興。蓋脊令之性最急，其用情最切，故常棣以喻急難之誼，而小宛以喻征邁努力之忱。余久因兵間，混南沅浦兩弟之從軍，其初皆因急難而來。沅浦堅忍果毅，遂成大功。余用是獲免於戾。因與沅弟常以暇逸相詠，期於夙興夜寐，無忝所生。爰取兩詩脊令之旨，名其堂曰鳴原堂。云曾國藩記。

卷上

匡衡成妃匹勸經學成儀之則疏。

賈誼陳政事疏。

劉向極諫外家封事。論起昌陵疏。

論甘延壽疏。

谷永救陳湯疏。

耿育諫陳湯疏。

劉安諫伐閩越書。

賈捐之罷珠崖對。

諸葛亮出師表。

陸贄奉天請罷瓊林大盈二庫狀。

卷下

蘇軾代張方平諫用兵書。上皇帝書。

朱熹戊申封事。

王守仁申明賞罰以應人心疏。

方苞請蘇除積習興起人材劄子。

孫嘉淦三習一弊疏。

曾文正公詩集目錄

卷一

詠史五首，
里荷，
歲暮雜感十首，
寄郭筠仙浙江四首，
雜詩九首，
送凌九歸，
送吳榮楷之官浙江三首，
題錢崙仙同年燕平竹安圖二首，
送楊春皆歸，
題毛西垣詩集後，即送之歸巴陵五首，
題顧南雅先生畫梅應何子貞，
三十二初度次日書懷，
憶弟二首，
寄懷劉孟容，
早起憶九弟二首，
得郭筠仙書並詩，卻寄六律，
傲奴，

題周小邨前輩塞外課經圖，
瓊瑤行戲簡何子敬，乞醴菜，
地用莫如馬二章，
反長歌行，
漫興，
寄弟三首，
獨出，
訪苗先釴，
懷劉容，
題書閣三首，應田敬堂同年，
贈何子貞前輩，
題唐鏡海先生二圖，
題龍九詩，
聞客話里中近事，
歲暮雜感十首，
(凡八十五首)。

卷二

感春六首，

元戎，

溫甫讀書城南，寄示二首；

早發河縣遇雨，

初入四川，慶喜晴，

爲何大令題明趙忠毅公鐵如意，

贈李生，

桂湖五首

梓潼道中有懷馮樹堂陳岱雲，

早發武連驛憶弟，

入陝西境六絕句，

西征一首呈李石樞前輩，

留侯廟，

柴關嶺雪，

廢邱關，

三十三生日三首，

讀李義山詩集，

國士橋，

至日二首，

岱雲同年喪妻，爲此詩警之，

喜筠仙至，卽題其詩集後，

雨，

寄弟，

哭少時同學某，

送吳英樞之官浙江，兼簡魏黃生大令，三首，

六月二十八日大雨，燭君樹堂，周君存農，鄧君筠仙方以試

事困於場屋，念此殆非所堪，詩以調之，

存農既和余詩，而三子者皆見錄於有司，乃復次韻，

送妹夫王五歸，五首，

送鄧伯昭兼簡家伯醇秀才，三首，

莫過竹如，

題明陳忠愍公雪聲堂硯，爲唐觀察樹義作，

酬九弟，四首，

乙巳春闈，謝醇士前輩書竹，

題畫竹，次醇士前輩韻，二首，

題醇士前輩爲滇生師畫竹，疊前韻，

請醇士前輩書竹，歸貽樹堂，題詩一首，

又贈筠仙一幅，

謝岷樵，

送王子壽歸荊州五首，以「高步追許由」爲韻，

移居偶成，

贈梅伯言，二首，

送陳偕雲出守吉安

夜直苦寒

吳宮黃病中屬市鹿尾

臘八日夜直

(凡八十首)

卷三

丙午正月二日作

題寬谷圖

陳慶覃詩鈔題辭三首

憩紅詩課戲題一詩於後

送王孝鳳之雲南即題其登人松菊圖

題鑄崙仙癯修書圖

題孫君采芝圖二首

書朱皋亭家傳後

謝陳慶覃侍御

送周文泉大令之官城武

小池

東林杜氏義塾

茲晨

失題

題泛海圖

送凌十一歸長沙五首

送謝果堂前輩歸江南

失題四首

秋懷詩五首

謝薛曉驪

題王少鶴鑾硯課讀圖

送王少鶴

丙午初冬寓居報國寺賦詩五首

送舒伯魯

劉鑒詩

送莫友芝

題彭旭詩集後即送其南歸二首

丁未六月七日考試漢教習試院作二首

六月廿一爲歐陽公生日集邵二寓齋分韻得「是」字

謝李生三首

次韻戰醇士邵蕙西見過

題平谷山莊圖

武會試闈中作

題梅伯言扁舟歸養圖二首

書嚴太守大關販鹽詩後

送黎樹喬侍御歸蜀六首
題李仙九師采蘭菊圖
題張石舟煙雨耕圖
(凡六十七首)

卷四

送孫芝房使貴州二首
書邊袖石詩集後二首
太學石鼓歌
題朱伯韓侍御之尊人詩卷手稿
題朱伯韓詩集後十首
送梅伯言歸金陵三首
送黃恕皆使秦中
北堂侍膳圖爲姚吏部題二首
題陳氏五世鄉賢遺像
韓齋爲孔舍人題
桐陰消夏圖爲史吏部題
題苗先龍寒鈴訂韻圖
養閒草堂圖爲潘博士題
陶太常小像
題饒賓谷圖

答李生
送唐鏡海先生九首
謝疊山賈卜研爲劉太守題
酬李辛仙二首
會合詩贈劉孟容郭伯琛
題楊忠愍公二疏手草
次韻何廉昉太守感懷述事十六首
題易公筠亭遺像
王母方太夫人
王戊四月沅弟克復巢縣和州含山等城賦詩四首
沅圃弟四十一初度十三首
題唐本說文木部應莫邵亭孝廉
贈吳南屏
讀吳南屏送毛西垣之卽墨長歌卽題其集二首
游金山觀東坡玉帶詩
贈李眉生
題俞蔭甫羣經平議諸子平議後
讀王王秋徐州見贈之作
校求詩二首
(凡八十六首)

曾文正公詩集卷一

詠史五首

即學有賢宰，四鄰咸使聞。惡犬守門閭，乃爲盜所憎。易如振落葉，乘勢孰驟興？重傷禽二毛，銳暴賊所應。文王事昆夷，駭隊亦何曾？大氣舉六合，中難其奚勝？功高而不賞，諒詠來青蠅。吳起泣西河，伏波燭炎蒸。長城訖自壞，使我涕沾膺。

莫民在辭憚，渙汗自古重。人心有激宕，天意方傾洞。無辜或于罹，有罪復解縱。九關森虎豹，闕越不可訟。長星十丈餘，白日墮靈霧。翺飛遂醢殺，燕雀爾何聞？彼借劍子，慎切言絕痛。豈指示含容，讓說格不用？嗟乎天蓋高，勿教家父誦。

觥觥孔大夫，經術致通侯。不如說災異，京冀多忠謀。幸蘭化爲茅，蕭艾莫好修。折衝無精神，夸毗徒體柔。九有而畏人，君知所謂不？嗚然布體肢，營魂久漂流。一朝冒六氣，何以葆春秋？

萬物盜天地，豈況鼠在倉？大木忽顛揭，所食與俱亡。筦子推魚鹽，本在四維張。蚩蚩足衣食，相與存紀綱。磊磊瞻紫宮，中官尊且曠。銀河界清淺，列舍但遙望。天錢與列肆，宴舌終夕張。咄哉左執法，知案羽林郎。

虞舜明四月，世乃請重瞳。淵魚察不祥，舉簪失蛟龍。往再支大廈，焉知棟樑凶？千金購國醫，當在草澤中。注秦磨肘腋，宗李知

無功。開元變天寶，舉世思姚崇。生民有治亂，悵望風雲空。

里胥

牛羊忽鼠突，卽社雞喧嘩。昨聞府牒下，今見里胥來。召募赴戎行，羽檄馳如雷。後期不汝有，行矣胡遲徊？老嫗搗胸臆，哭聲亦何哀？龍鍾六十餘，伶仃惟一兒。弱小不識事，黃犢母之隨。筋力儘可食，或免一家飢。壽命不足惜，兒去傷永離。老嫗泣未闌，老翁跪致辭。主事亦云棘，婦人那得知？螻蟻穴寸土，自荷皇天慈。大威有震，小人敢疑猜？貧者當敵愾，富者當輸財。便當遺兒去，不勞火急催。所媿無酒食，與吏佐晨炊。貧者勉自效，富者更可悲。隸卒突兀至，誅求百不支。荷荷執袴子，蟲蠹飽鞭笞。前卒貪如狼，後隊健如犛。應募幸脫免，傾蕩無餘貲。吁嗟朝廷意，兵以衛民爲。守令懷其柄，無使得吏持。此輩如狐鼠，養秦肆恣睢。聊爲適人拘，敢告良有司。

歲暮雜感十首

芒屨鎮日踏春還，殘臘將更卻等閒。三百六旬似逝水，四千餘里說家山。描摩已自沾京雒，羌笛何須怨玉關？爲報南來新雁到，故鄉消息在雲間。

高嶠山下是儂家，歲歲年年鬪物華。老柏有情還憶我，天桃

無語自開花。幾回南國思紅豆，曾記西風浣碧紗。最是故園難忘處，待鶯啼路三叉。

莽莽寒山匝四圍，眼穿望不到庭闈。紫雲江浦無人管，草綠湖南有夢歸。鄉思怕聽殘漏轉，逸情欲逐亂雲飛。敬從九烈神君詠，遊子於今要挽衣。

去年此際賦長征，豪氣思屠大海鯨。湖上三更邀月飲，天邊萬嶺挾舟行。竟將雲夢不如芥，未信君山割不平。偏是東皇來去易，又吹草綠滿蓬瀛。

紛紛節候儘平常，西舍東家底事忙。十二萬年都小劫，七千餘歲亦中癡。蜉蝣身世知何極，胡蝶夢魂又一場。少昊笑儂情太寡，故堆錦繡富春光。

韶華彈指總悠悠，我到人間廿五秋。自愧望洋迷學海，更無清福住糟邱。尊前瓦注曾干局，腳底紅塵卽九州。自笑此身何處著，笙歌叢裏合閒遊。

爲賦爲否兩蹉跎，搔首乾坤踏踏歌。萬事拚同駢拇視，浮生無奈繭絲多。頻年蹤迹隨波謫，大半光陰被蠱磨。匣裏龍泉吟不住，問予何日斫蛟鼉。

舊雨曾遺尺鯉魚，經年不報意何如。自從三益睽違久，學得五君世態疏。碧樹那知離別恨，青燈偏照故人書。殷勤護惜金鑪鴨，香火因緣付與渠。

擬學坡公饋歲詩，花箋何處寄相思。陽和未老韶先散，暖氣

初回鳥竟知。遊子情懷隨地遠，天家雨露及時施。小儒莫獻昇平頌，幸傍龍樓祝上儀。

寥寥歲鼓走輕雷，竹馬兒童縱戲綫。仙仗九重圍霧住，宮花一萬鎖煙開。迷離佳氣從空繞，不斷狂香拂面來。我比春風尤放蕩，長安日日聘龍媒。

寄郭筠仙浙江四首

一病多勞動護惜，嗟君此別太恩惠。十年辛苦詩書裏，強半光陰道路中。更走會須營窟穴，鴻飛原不計西東。讀書識字知何益，贏得行蹤似轉蓬。

碣石遙遙起陣雲，樓船羽檄日紛紛。螭螭竟欲當車轍，鴛鴦安能抗斧斤。但解終童陳策略，已聞王歆立功勳。如今旅夢應安穩，早絕天驕盡海氛。

無窮志願付因循，彈指人間三十春。一局楸枰真夢幻，百圍梁棟藉輪囷。蒼茫獨立時懷古，艱苦新嘗識保身。自愧太倉糜好爵，故交數輩尚清貧。

向晚嚴霜破屋寒，娟娟纖月倚樓端。自繙行篋殷勤覽，苦索家書展轉看。宦海情懷蠅翼薄，離人心緒繭絲團。更憐吳會飄零客，紙帳孤錦坐夜闌。

雜詩九首

早歲事船槳，傲兀追前軌。張網擊鰕維，登山造及轍。遠作窺韓愈，功名鄰侯儼。三公渺如梯，萬金晚如屣。腸胃鬱千奇，不敢矜

爪背。稍待蘭蕙滋，烈芬行可喜。豈期攜鰥鮒，前驅不踰咫。沿滔大江流，年光激若矢。春秋三十一，頑然亦如此。染絲不成章，橘還化為枳。壯盛百無能，老蒼真可恥。樽散吾所甘，多是慚毛裏。

西山何鬱鬱，白日馳昭昭。六街淨如練，雙閣凌神霄。沈沈府中居，員弁鍵瓊瑤。翠閣周四角，鵲露漾蛟綃。公子盛文藻，九陌鳴金鑣。羣從袂成帷，掠風馬蹏蹏。紅燭舞絳雪，會宴皆金貂。朝餐雞鱠饌，晚衙沸笙簫。今夕既相酢，明日還見招。天高地則厚，何事不逍遙。

手斂不烘烘，足跼不趨趨。問我何自苦？我歌君且聽。激湍無駐波，止水光凝凝。橫棟與橫簷，豈曰非天定。東菑代虹梁，於道未爲稱。朝菌濫漚，蓋天天不及。適意一須臾，骨朽猶詬病。可憐繁華子，醉夢幾時醒。炫豈無暇，自媒羞妾媵。已矣吾何營，閉戶覽明鏡。

傷禽悲弦聲，遊魚驚月影。丈夫貴倔強，女子多虛警。強強有時弛，夷塗有時梗。颶風揚海濤，潮平已復靜。君子別有憂，衆人恐未省。

霜落萬瓦寒，天高月皓皓。美人在何許？相思心如掃。我昔覲美人，對面如蓬島。神光薄軒墀，朱霞落初曉。彩鳳儀丹霄，顧視無凡鳥。意密恩還疏，微誠不敢道。貽我形管煒，聚兮希世寶。可憐金屋恩，長門閤秋草。謠諑日以多，觀國曾不少。龍脊難再得，蛾眉行衰老。區區抱私愛，夜夜祝蒼昊。

天雞鳴半夜，六合未清曉。烏鵲鳴向晨，羽毛誇矯矯。一旦金丸驚，戢翼暗百鳥。鳴鵲流惡聲，萬方憂集。青蠅鳴棘刺，纓彰復虛鼎。聞鳴百無補，嗟爾秦吉了。蠅蠅草間鳴，亂人徒擾擾。

入門忽悅悅，出門復皇皇。嗟我素心人，各在天一方。庸夫厭鼎食，誼士謀糟糠。奔走徧天下，歸去仍空囊。秋老江湖闊，何以慰淒涼。勿勞我之思，我今足稻粱。所憂非所職，所樂殊未央。日暮登高邱，四顧何茫茫。落葉東南飛，孤雁西北翔。思君不得覩，慘澹詠斯章。

松柏窮危巖，葛藟相鉤帶。兄弟非它人，患難亦相賴。行酒烹肥羊，嘉賓填門外。喪亂一以聞，寂寞何人會。緱鳥有鸛鵒，維獸有狼狽。兄弟審無猜，外侮將予奈。類爲同岑石，無爲水下瀨。水急不可磯，石堅猶可壅。誰謂百年長，倉皇已老大。我邁而斯征，辛勤共纍纍。來世安可期，今生勿玩愒。

誰能烹雋燕，我願療桑薪。誰能釣巨鱸，我願理其綸。南溟筆類藻，可以羞鬼神。大材與小辨，相須會有因。嗟余不足役，豈謂時無人？

送凌九歸

白日杲杲黃埃飛，君胡少住遽言歸？萬族由來各有託，借問君心何住著。自言暫歸奉晨昏，溫席不暖還出門。丈夫上世曾有適，安能側身自踟躕。南箕北斗徒虛名，東走西顧知何益。弊折已覺素心違，環獻況逢俗眼白。要將萬舞誇輝光，肯爲兩言求恩澤。

皇天界我非不豐，平生長策能固窮。一飽那爭雞鶩食？萬事從付馬牛風。君家才望人所歸，兄弟縱橫兩龍劍。霜蹄遠敵長坂騷，雲漢終向天庭揆。卽今歸去慎勿稱，歲時努力謀饘糲。綵衣好娛老萊，麻鞋健臂尙有梁鴻妻。我亦聞尋遠鄉夢，年年送人頗自諷。送君無酒爲君歌，楊花如海奈愁何！

送吳榮樞之官浙江三首

讀書三十年，今來始一試。自抱輪囷材，構廈隨所置。世人苦寒儉，舞袖先擇地。斤削不能還，鼎益各自器。君子儲百用，多藏如列肆。深厲與淺揭，所向皆如志。君本青雲上，摩空排健翮。置之承明廬，枚馬當健輶。才多厭閒散，翩然去作吏。方今清華秩，斯擢僅云備。不如膺專城，張弛從吾意。觀魚莫結網，網過酷於餌。治絲莫求多，緒多亂神智。聖朝論治恩，販瀆實漸被。可憐量量倪，惇惇還好義。願君憶弟思，隨時勞撰字。

西湖吾未到，夢想若遇之。荷花夏如雪，蒼苔萬柳垂。秋月臨潮湧，暮霽天無涯。三百六十寺，嵐翠渺迷離。君去事幽討，挾別發天倪。餘懷懷昔通，寄賞獲新知。偶餐吸山綠，暮雨張水嬉。尋碑喚梅藥，獨往無人隨。政成無一事，風流方在茲。懷抱一如彼，江山復如斯。此樂可持贈，寄我千百詩。

鄉間昔相從，殷勤託詩酒。再來長安道，舟車並攜手。如今隔曠遠，脫然絕窳臼。少年尚意氣，爭雄各自丑。風塵飽所諸，蒼然皆老醜。激湍亦已平，真氣充戶牖。相見無滯難，灑落真吾友。昨夜秋

風來，嫋嫋涼生柳。念子當飛離，旁皇如失守。萬族各有營，歡聚焉可久。意趣苟無違，秦越如左右。後會知何年，今茲歲在丑。

題錢崑仙同年慈竹平安圖二首

冉冉南山竹，柯葉互檀欒。上有一片雲，下有九畹蘭。清風相憂擊，虛碧鳴秋寒。鈴鐺走譚散，抗衡勁節干。養成兩雛鳳，文采何嫋嫋。高枝足棲宿，芳實供朝餐。歸昌忽采律，言振九霄翰。引吭發鈞奏，俯視失鵲鸞。御願貧簪谷，依舊青琅玕。年年託美蔭，歲歲祝平安。

紅塵日夜深，遊子思無已。倦鳥有時還，桑弧有時弛。我有山中廬，梧籬夾綠水。修竹倚大椿，重重互輻輳。雙條播芳蕤，清陰亦何美。依戀會有因，庶往恭桑梓。殷勤寸草心，區區方在此。

送楊春皆歸

去年同送蕭郎歸，心如風幡亂掀簸。今君告歸亦何遽，臨別無言但兀坐。君才捷敏非常儔，早時羣書讀已破。堆案細字如毫毛，擲筆新詩成咳唾。場來燕市聘逸足，聊隨騶蹇爭芻蕘。出門百錢買犢車，入戶一編旋蟻磨。虛北擲金古所悲，五年長安竟坎壈。剖瓠作尊何所容，種柏傍石終不大。首途雖外心愈雄，懷寶空寄時難貨。嗟余昏懦百無能，與世越趨動得過。忽逢良友相鑄磨，有似酒狂得史佐。隔日一見歡未闌，鼓缶鳴箏唱復和。削除蟻蟻得平夷，厭見俗氛揚坳堦。可憐俠氣干層雲，時有忠言驚四座。一麾從此恨分離，萬事何當付嫺惰。方今廊廟搆羣材，搜林剔穴行可

賀。君君形容不易凋，顧此芒刃豈終撓？明年仍騎瘦馬來，滿面還受縞塵瀉。

題毛西田詩集後，即送之歸巴陵五首：

伐木截兩端，半作鱗尊半溝渠。南鄰北里輕薄兒，昨日薰騰今冷落。巨桴小屨大所隔，焉能肩膊齊美惡？勸君把酒持雙螯，百年爛醉拼嬉遊。不學頤齋談狗曲，修禪整巾徒碌碌。

歐君昔言鄉國產汝與吳生，皆狂狷。看汝織古得新機，惜哉弋時無急箭。獨抱負出辭離騷，世人皆憎我獨深。金盤銀釵有時灰，得不重顧辭與聲。

朝誦陶通賦，夕吟蘇志。篇讀此子頗聞道，煩毒迷惑劇可憐！古來騷人都如此，君亦苦語相糾纏。日月瀟灑百盤蘇，老抱幽憂胡爲乎？

長溪江頭白髮翁，扁舟如瓦飄西東。船頭得魚船尾煮，罨子哈笑老婦嬰。主稅早輸百無事，從古不遇打頭風。君家正臨洞庭水，一飽弄舟樂何底？舍此他求真左矣！

我生乾坤一贅人，逐衆轉徙如飛蚊。衰衰瘴省無相識，紛紛時事了不聞。門外車馬何隱隱，獨立階下看浮雲。君今歸哉渺千里，我方嘆上無窮已。

題顧南雅先生畫梅，應何子克。詩長餐冰老更臞，傾身謀醉一錢無。忽然嚼梅供大噉，笑吐滿紙森模糊。當時酒徒相饋餉，至今遺囑何清臞。平陵公子亦好

事，巧偷豪奪無罪辜。時將巨障補空壁，已覺麝香來座隅。長安一雪寒切膚，冷官瑟縮同閨爐。開眼忽到西湖上，四更殘月孤山孤。我聞繪事通草隸，此語自古誰云謬？何君作畫妙天下，生吞百虎心膽露。世人祇解傳蠅蠅，獨能養氣真莽徒。吳言丹青直小道，不到聖處寧堪娛。吁嗟詩老不可作，君雖抱此徒區區。

三十二初度次日書懷

男兒三十殊非小，今我過之詎足歡！離離羣瓶噉器小，酣歌鼓缶已春闌。眼中雲物知何兆，鏡裏心情祇獨看。飽食甘眠無用處，多慚名字供鴛鴦。

憶第二首

無端繞索思茫茫，明月當天萬瓦霜。可惜良宵空兀坐，遙憐諸弟在何方？紛紛香帙誰能展，點點銀花有底忙。出戶獨吟聊妄想，孤雲斷處是家鄉。

忽憶他時襄水上，惡風半夜撼春雷。舟人振舵聲同泣，客子扶牀面已灰。仰荷皇天全薄命，信知浮世等輕埃。汝今歸去復何似？回首世途誠險哉！

寄懷劉孟容

清晨采黃菊，薄莫不盈畝。寧知弟昆好，忍此四年別。四年亦云已，萬事安可說？昔者初結交，與世固殊轍。垂頭對鐸火，一心相媚悅。炯然急難情，榮榮光不滅。連濱一揮手，南北音塵絕。君臥湘水湄，辟人苦局鑄。懷璧誤一投，已遭官長別。我作燕山囚，衾襪冷

如蠟塵土塞中腸，經旬開囓池。夢魂互往還，邂逅在嵎嶼。君魂畏豺虎，我魂阻蛇蠍。明年會長沙，對牀殊嘒嘒。可憐郭生賢，日夜依我望。三子展殷勤，五旬悉猖獗。自從有兩儀，無此好日月。決渠東西流，人事有蹉跎。當時別江干，懸知成久闊。郭生從我行，再踏長安雪。東菑黃廬廟，塗丹強作園。盤松困洞底，千歲老不屈。行藏一以歧，會合焉可必。知君障汚墮，憎我逐煩熱。摧爾掃作齋，本鬱同難奪。皇天造羣倫，位置各成列。煌煌帝者都，義義策勳閣。前庭充組紱，後閣煖清瑟。大馬疾如飛，高車如電掣。兩臂時騎過，驚震聽紙裂。而我支肘眠，朦朧兀頑劣。視蔭呼晚飯，終年曾不缺。疑兒亦肯堂，四齡已鑿鑿。所愧倫太合，無異哀窮乞。羨君老巖阿，閒味甘於蜜。嗟哉趣豈殊，所處良不一。坦蕩觀皇途，轉側思家室。永懷素心人，悠悠難具述。

早起憶九弟二首

別汝經三月，音書何太難。夜長魂夢苦，人少屋廬寒。骨肉成飄泊，雲霄悔羽翰。朝朝鳥鵲噪，物性固欺漫。尚餘詞賦好，隨衆頌康哉。報國充無力，擎天別有才。寒雲迷雁影，遠道望龍媒。百尺金臺誰看君，蹀躞來。

得郭筠仙書，並詩印寄六律

展轉看書字，嗟君亦老蒼。是天真貌藐，白日故堂堂。與子相期事，窮年恐不償。憂來聊飽食，吾儔會無央。

大雅悲淪歎，斯文久不尊。至情宜侃強，吾道有籬藩。仰首呼

虞舜，狂歌答屈原。自非君子性，茲意固難論。垂耳甘劉豆，偏通信誤人。長爲羈旅客，嗟汝少年身。物極能思返，天心會好仁。鹿鳴歌旨酒，滴瀝入君唇。閒閒觀物化，耿耿究時噴。道士羞要譽，廉夫重報恩。賈憎惟片語，求福實多門。種蕙怡幽獨，歸休勿復言。昨來殊不適，日落獨登樓。西北看遼海，東南望海陬。蒼茫懷百代，浩蕩足千愁。畫肚思長策，嗟余肉食謀。日日懷劉子，時時憶郭生。仰天忽長歎，遶屋獨巡行。雲暗乾坤隘，風來戶牖鳴。孤吟無與賞，寸恨浩縱橫。

做奴

君不見，蕭郎老僕如家雞，十年笞楚心不攜。君不見，卓氏雄資冠西蜀，傾使千人百人伏。今我何爲窮，不然胸中無學手無錢。平生意氣自許頗，誰知做奴乃過我。昨者一語天地峻，公然對面相勒勒。做奴誰我來，賢聖我坐做奴小不敬。拂衣一去何翻翻，可憐做骨撐青天。噫嘻乎做奴安得好風吹汝，汝朱門權要地看汝倉皇換骨生百媚。

題周小邨前輩塞外課經圖

肉食多亨途，通儒遭百閱。時蹇心匪乖，身窮道未寤。周君信奇俠，天機苦捷傲。昔歲乘青驄，羣飛長秋車。偶被金丸驚，可憐翠羽限。十年遼海行，九月邊風緊。銅雀夜夢軀，鐵衣錦繡紉。自信茲遊豪，甘受世人嘲。日日拘叢書，森森如束筍。吾道儻欲東，獨善良

不忍。此邦盛琳琳，多士紛箇箇。斧斤試一施，殺率聊可引。弟子初反車，先生大倒困。文周張百旂，經會接千鈞。但期道傳薪，未要歸載輶。昨者唱刀環，遂外回文軫。勝事告友朋，餘味足咀吮。方今柄師儒，華秩半卿尹。虎觀車如龍，辟雍市如蜃。會看招旌旆，且須嚴轡轡。稽古榮復榮，吾言非蕞蕞。

瑣瑣行戲簡何子敬乞醃菜

瑣瑣復瑣瑣，謀道謀食無一可。大人天矯如神龍，細人局蟻如螺贏。皇皇百計營蟹鹽，世間醃醃誰似我。既不學虎頭食肉飛將軍，又不能駝峯犀筋醉紅裙。長將野蔬說奇錯，春筍秋芋詳紛紛。拙妻嘲訕婢子笑，可憐先生了不聞。苦思鄉國千里月，夢想林頭一甕雲。君家醃菜天下知，忍不乞我賑朝饑。丈夫豈當判畛域，仁者況可懷鄙私。烟炯子心天所許，堂堂此理君莫疑。忽憶侯侯理入口，黃頭銅山竟偕陪。功高七國安如山，錢布九州浩如薏。當時鼎烹會親賓，後日饑腸作牛吼。今我與子俱不材，懷拘傾筐倒篋開。取與廉惠兩無猜，青天白日森昭回。不醉不飽胡爲哉？

地用莫如馬二章思賢也

地用莫如馬，越險思驪驪。豈無汗血種，相求亮未曾。萬鍾繼粟粟，千金鑄鈞蹄。隆儀荷一闕，市駿休漫稱。

人用莫如龜，幽室能磨燭。告猶僅見從，外侮敢余毒。從短翻棄長，惜哉支林足。良無藻悅登，不如塗泥辱。

反長歌行

義和驕日如驅家，鞭之不行汗流漉。頃刻奔馳過百年，老盡世人猶獨喜。渠獨喜，我寧愁。已拚一老百無恥，馮夫子，我歌君莫鄙。柏梁銅爵安在哉，盜跖唐堯俱朽矣。北翁得馬知何祥，藏穀亡羊定是誰。平原轉眼成嵩邱，華屋隔宵生荆杞。上蔡黃狗空歎嗟，洛陽銅駝百遷徙。萬事支離那可論，吾生得失亦如此。卻笑張穀空飾文，更憐單豹強治裏。修吏修繕皆虛名，老向前人前乞乳。君看從古軒赫人，一半名場夸毗子。今晨令問傾王侯，明日枯骸飽蝸蟻。銘功誅德千萬言，可信人間有真史。馮夫子，我歌君且起。君今三十胡皇皇，浮名驅君不自止。頻嗟短景難少延，便得長春寧足恃。世間自有清淨業，日往月來了無累。人迹不到禽不來，萬年廢井養秋水。

題與

今日今時吾在茲，我兄我弟儻相思。微官冷似支牀石，去國情如失乳兒。見慣浮雲渾欲語，漫成詩句未須奇。徑求名酒一千斛，轟醉王城百不知。

寄弟三首

去年長已矣，來日尚云餘。身爾各相祝，家貧無有涯。鄉心無住著，望眼久昏花。寥落音書闊，多疑驛使差。咄咄延平劍，英英江夏黃。求聲方出谷，一別各他鄉。東下江河駛，南征道路長。汝倚身手健，看我鬢毛蒼。麥裏攜予季，亭亭似我長。三年不相見，一變安可量。神駿初

衡轡，牽牛肯服箱。朝朝偷芋栗，知爾足奔忙！

獨出

匪直完裝好，今年故未寒。晚來歸獨出，宇內一何寬？銜尾千人聚，高蹠百馬攢。天街原蕩蕩，辟路亦非難。

訪苗先範

大隱東方朔，嘗書楊子雲。出門無所詣，落日一從君。倦鳥宜何集？閒鷗亦有羣。烹茶餘幾火，小啜愧殷勤。

懷劉蓉

我思竟何屬？四海一劉蓉。具眼規臯古，低頭拜老農。乾坤皆在壁，霜雪必蟠胸。他日余能訪，千山捉臥龍。

題書蘭三首，應田敬堂同年

淺紅生絹一尺牛，描金蘭葉光爛爛。不知誰氏書畫船？遺作君家錦繡段。時集時取了無憑，花若有情花亦歎。有客對此三沈吟，一夜魂飛洞庭深。故鄉蘅杜知我心。

洛陽三月天如銀，楊花浩浩愁殺人。美人璇閣弄鸚鵡，傷心不敢當青春。獨對盆蘭訴幽怨，再拜且爲花寫真。腕輕著花祇嫌瘦，鉤重放葉難爲伸。靡外雙雙蛺蝶舞，淺汝自在好要身。閑筆下階傍花立，臨風三嗅馨香泣。

田郎田郎似我嬌，反鎖衡門走賓館。三年咳嗽未曾甘，九曉蕪蘭行復滿。不願舉國揚芬芳，但願同心通惻款。晨書小楷眼欲花，午睡醒來日已斜。從容讀畫還煮茶。

贈何子貞前輩

九疑山水天下清，中有彥者何子貞。大謫老謀不自白，世人誰解此縱橫？八法道卑安足數，君獨好之如琅璚。終年磨墨眼不眯，終日握管意未平。自言簡筭通性道，要令天地佐平成。怡神金脚，朝吹浪，失勢怒貌夜擣營。同心古來亦有幾，俗耳乍入能無驚。可憐四十好懷抱，空使九州播書名。嗟我波瀾頗莫二，知而不爲真不習。捧心恥與時爭妍，畫足久爲聖所棄。行當就子更朴茂，可能爲吾倒篋寄？去年一諾今未償，舊迹已陳誰復記？世間萬事須眼前，須臾變態如雲煙。煩君一揮清我室，驅逐毒熱無煩煎。高堂巨壁蛟龍走，鄙夫白晝欬枕眠。

十月戎行圖

題唐鏡海先生二圖

牛世不能學，聖臬裁章帝載歸。竊當下同郭與李，手提兩京還天子。三年海國困長鯨，百萬民膏饑封豕。諸公密勿既不咸，吾徒迂疏尤可恥。岱宗夫子唐太常，今日儒林有正軌。宗傳久已追，謙伊餘事猶堪作。隨起昨來示我戎行圖，回首軍興今一紀。九疑南去山連天，八排擁獠多於蟻。援升隨伏巢穴繁，青絲白馬風塵駛。籌邊樓下雲屯營，臨賀嶺前雨注矢。先生獨出當九關，磨鍊衆心作高壘。千嶽齊震雷破山，萬馬不嘶月如水。先生兀坐了不驚，秉燭從容讀書史。大儒意趣未可量，小醜靡豪安足齒。功成行賞不自言，羞與鸞船較尺咫。我覽此圖發長歎，可憐黃髮今皓

曙四海息兵無一事，先生且住安樂窩。

五原學舍圖

大兒垢膩衣短襦，小兒蓬頭語更吃。生長猶尸習繩行，不識詩書定何物。昨者縣門鼓如雷，太守如父從天來。走章馳檄到山寨，要與舉俗辨類。皇天於人何厚，薄未必變。狃皆不才，一朝得與冠裳會。青天始見雲霧開，離結公然被儒服。笑言啞啞歡且哈，山南伐石千指碎，山北挽木萬牛回。縮版登登日復夜，取次學舍高崔嵬。五原便同石渠閣，百丈似築通天臺。銅鼓煮釜雜鍾，衣冠俎豆何文哉。但願使君長世世，坐看繁瓠成瓊材。豈期文翁難久借，至今蜀國有餘哀。披圖卻憶十年事，富川風物落酒杯。方今聖人舞干羽，薄海懷柔不用武。會崇我丈比柯丁，立使殊方變鄒魯。三老五更古所尊，嗚呼此事非小補。何時虎觀擁皋比，我亦執經走廊廡。

題龍九詩

李斯盛聲律，初習鐸華鐘。逮及下衰時，切切鳴寒蟲。扶輿發朝氣，百葉曜麟龍。缺月夜騰光，不與東昇同。秋霜入科木，色黯黯與蓬文章。說心斷本不從竊，隆能者自植立。餘子靡隨風，孰於衆首屈。玉振開蔡碑，寸才美無度。大圭宜廟中，君詩如春融。秋爽亦自工，肉好用爲聲。刻生芒鋒，南朝斐然作，山水滌襟胸。維什多末筆，略可斐麗。片要道鍊不舍，金木隨所攻。且況力青窮，奧昨辨西東。終然到聖處，今古誰雌雄。

聞客話里中近事

蓬萊清淺信推遷，回首鄉關事可憐。今日朝餐陪未秩，早時社鼓舞華筵。陳平宰國無消息，庾信辭家有歲年。燈燈生涯非我里，滔滔四望極敷天。

歲暮雜感十首

殘歲垂垂盡，晝暝逐逐忙。世人同一悔，匪我獨顛狂。身計嗟頻左，家山亦未忘。時猶愛世事，此志固荒唐。殺氣行南紀，溫風轉北條。陽和迴地幹，神鬼助天朝。挾纊三軍舞，層冰萬里消。小臣長嘯，無術贊唐堯。堯皋無並有，天地詎終溫。此日咸陽市，當年上蔡門。風雲悲昔遇，霜露等深恩。聞道南山木，窮冬尙負喧。壯歲收經訓，艱難始一隅。力耕無近獲，涉古有通衢。茅塞由來久，蓬生且待扶。國營猶未雪，何處著迂儒。四山仙侶會，角逐事屠歌。日日爲詩祟，人人被墨魔。相從良可適，不樂復如何。尙有平生友，飄零在澗阿。久矣劉生隔，嗟哉信爾賢。才高防作聖，情極屢逃禪。歧路多魑魅，深山足歲年。狂風能作劇，吹我墮君前。阿弟光明者，愛兄心尙孩。良時無汝共，雅抱向誰開。難就陸雲業，多慚許武才。皇都寓不美，捨去竟何哉。萬族求饑益，吾謀頗用疏。民生各心性，天道有孤虛。得作堪加飯，無錢且買魚。逐貧思作賦，才薄欲何如。

浩浩翻江海，爭奔且未閑。古來名利客，誰不到長安。獨立看
參鼎，橫天如此寒。肯能零冷落，夜夜照簾端。
爆竹家家沸，兒時此味長。追歡期綠蟬，隨例祀黃羊。明日夢
龍集，中天日月光。八年吟舊句，回首但蒼茫。

卷二

感春六首

奉君以象白猩猩之異味，青琴碧玉之妖姬。子復漠然不我
與，我今寸意當訴誰？散髮狂歌非關醉，枯株兀坐未是癡。手撮黃
塵障河決，自有幻想非人知。城南海棠已爛熳，牡丹如霧行離披。
如此青春忍不賞，直待白髮悔可追。

今我不歡子不悅，攜手天街踏明月。西南白氣十丈長，銳頭
突尾射天狼。東方狗國亦已靖，復道羣鼠舞伊涼。徵兵七千赴羌
隴，威棱靡厲不可當。國家聲靈薄萬里，豈有大格阻屏蟻立收烏
合成。寶粉早晚紅旗報未央，嗚呼天意正如此，小儒不用稱災祥。
男兒讀書良不惡，乃用文章自束縛。何吳朱邵不知羞，排日
肝腎同鐵鑿。河西別駕酸到骨，昨者立談三詎躍。老湯語言更支
離，萬无千搖仍逸作。丈夫求志動洲壖，蟲魚篆刻安足座。賈馬杜
韓無一用，豈況吾輩輕薄人。

明珠二百斛，江湖三十年。偏求名劍終不得，耳聞目見皆鈍
鉛。聞道海外雙龍劍，神光夜夜燭九天。沴氣妖星不敢避，橫斬蛟

鯨血流川。天子寶之無倫比，列置深殿闔風前。千金萬金買玉匣，
火齊木難嵌中邊。元臣故老重文學，吐棄劍術如腥膻。如今君王
亦薄恩，缺折委棄當何言？

蕩蕩青天不可上，天門雙螭勢吞象。豺狼虎豹守九關，厲齒
磨牙誰敢仰？羣鳥啞啞叫紫宸，借哉翅短難長往。一朝孤鳳鳴雲
中，震斷九州無凡響。丹心爛漫開瑤池，碧血淋漓染仙仗。要令惡
鳥變音聲，坐看哀鴻同長養。上有日月照精誠，旁有鬼神瞰高朗。
太華山頂一虬松，萬齡千代無人蹤。夜半霹靂從天下，巨木
飛送清渭東。橫臥江干徑十里，盤坳上有層雲封。長安梓人馳一
見，天子正造咸陽宮。大斧長繩立挽致，來牛去馬填坑硤。虹梁百
圍飾玉帶，蟠柱萬石撻金鐘。莫言儒生終齷齪，萬一雉卵變蛟龍！
元戎。

大旆元戎喜起歌，舊時鼎鑪藉調和。豐紹長組朝金闕，驕馬
羈弓照塞河。黃閣居然元老在，蒼生竟奈此人何？誰憐寂寞揚雄
宅，獨抱繁憂臥薛蘿。

渭南讀書城南寄示二首

十年長隱南山霧，今日始爲出岫雲。事業真如移馬磨，羽毛
何得避雞羣。求球采玉從吾好，秋菊春蘭各自芬。嗟我蹉跎無一
用，塵埃車馬日紛紛。

嶽麓東環湘水迴，長沙風物信佳哉。妙高峯上攜誰步？雙晚
亭邊醉幾回。夏后功名餘片石，漢王鐘鼓殿寒灰。知君此日沈吟